

**UDRUŽENJE POSLODAVACA U FEDERACIJI BIH  
MULA MUSTAFE BAŠESKIJE 12/III  
S A R A J E V O**

Sarajevo, 23.02.2010.godine

## **ZAPISNIK**

sa **17 sjednice Upravnog odbora Udruženja poslodavaca u FBiH** održane **dana 23.02. 2010. godine**, sa početkom u **12:00 sati u prostorijama«ASA-HOLDING» ( Bulevar Meše Selimovića 16.)** u Sarajevu.

**Sjednici su prisustvovali:** gđin. Nihad Imamović, gđin. Mladen Pandurevića, gđa. Azema Mulasmajić, gđin. Amir Jahjaefendić, g-din Marinko Katava, gđin. Mustafa Isabegović, gđa. Silvana Marić, gđin. Mirsad Čolaković, gđin. Hamed Šivšić i gđin. Osman Hasanbegović ( po ovlaštenju gđina. Amera Jerlagića).

**Sjednici nisu prisustvovali:** g-din. Predrag Čović, gđin. Amir Sušić, gđin. Adem Ibrahimpašić, gđin. Fehim Škaljić, gđin. Eldin Brčaninović, gđin. Hasan Bećirović, gđin. Nuko Grebović i gđin. Milorad Krunic koji su opravdali svoj izostanak.

**Sjednici su prisustvovali po dužnosti:** gđin. Alija Remzo Bakšić i gđica. Mersiha Kurspahić.

Uvodnu riječ dobrodošlice članovima Upravnog odbora uputio je predsjednik U.O. gđin. Nihad Imamović i predložio sljedeći:

### **DNEVNI RED**

1. Usvajanje zapisnika sa 16 sjednice UO UPFBiH;
2. Informacija o održavanju Investicionog foruma u organizaciji BBI-a, izvjestilac predstavnik BBI-a
3. Usvajanje Izvještaja o izvršenim zaključcima sa 16. sjednice UO UPFBiH, izvjestilac Alija Remzo Bakšić;
4. Informacijama o zaključcima sa prethodne sjednice ESV-a, izvjestilac Predrag Čović
5. Rasprava o predloženim materijalima po svim tačkama dnevnog reda za 67-u sjednicu ESV-a sa prijedlogom zaključaka;
  - a) Izmjene i dopune Općeg kolektivnog ugovora za teritoriju FBiH;
  - b) Prijedlog Zakona o izmjenama i dopunama Zakona o Poreznoj upravi FBiH;
  - c) Zakon o fiskalnim sistemima;
  - d) Nacrt Zakona o javno-privatnom partnerstvu.
6. Rasprava o inicijativi za poništenje važećeg Općeg kolektivnog ugovora za teritoriju FBiH, izvjestilac Muhamed Šaćiragić;
7. Informacija o sastanku predstavnika UPFBiH sa predstavnicima Agencije – SIGMA – izvjestilac Alija Remzo Bakšić;
8. Izvještaj sa sjednice Komisije za tumačenje Općeg kolektivnog ugovora vezano za upit Arcelor Mittala, izvjestilac Mersiha Kurspahić;
9. Tekuća pitanja
  - a. Informacija o seminaru „ Efekti reforme energetskeg sektora na kupce električne energije“
  - b. Informacija o dogovorenom sastanku sa Premijerom Mustafom Mujezinovićem, resornim ministrima i predstavnicima UPFBiH, izvjestilac Nihad Imamović

**Dnevni red je u potpunosti usvojen.**

Gdin. Imamović je zamolio da se, prije nego što se pređe na raspravljanje po tačkama dnevnog reda, prisutnim članovima obrate predstavnici BBI-a Banke koji su gosti na sjednici a u vezi sa informacijom o Investicionom forumu koji organizuje BBI-a Banka.

Gospodin Salih Purišević, sekretar BBI-a predstavio je koncept i cilj ove velike investicijske konferencije, koju organiziraju poslovni klubovi Bosna Bank International (BBI) i Islamske banke za razvoj (IDB). Dalje je napomenuo da je to prva međunarodna investicijska konferencija „Sarajevo Business Forum“, koja je zakazana za 6. i 7. april ove godine te da će na Forumu učestvovati neki od najznačajnijih investitora sa trenutno najlikvidnijih tržišta na svijetu. Dalje je istakao da je veoma bitno da bh. kompanije imaju spremljene projekte sa kojima će aplicirati kod stranih ulagača. Sarajevo Business Forum 2010. bit će fokusiran na četiri oblasti: poljoprivredu, turizam, infrastrukturu i energiju.

Organizator Foruma je predvidio da dvije sedmice prije početka Foruma na svoju web stranicu postavi projekte zainteresiranih kompanija i pojedinaca, a kako bi investitori imali priliku s njima se upoznati prije samog početka konferencije.

Gdin Imamović se zahvalio na prezentaciji i istakao da UPFBiH pruža aspolutnu podršku i da će obavijestiti sve svoje članove o njegovom održavanju i pozvati ih da pripreme svoje projekte.

**Zaključak:** Na kraju prezentacije je zaključeno da će UP FBiH sredinom marta održati još jedan sastanak povodom Sarajevo Business Foruma, kada će sumirati broj predloženih projekata s njihove strane.

#### **RASPRAVLJANJE PO TAČKAMA DNEVNOG REDA:**

##### **Tačka 1 : Usvajanje zapisnika sa 16 sjednice UO;**

Gdin. Nihad Imamović je upoznao prisutne sa ovom tačkom dnevnog reda i dao zapisnike na usvajanje.

**ZAKLJUČAK:** Obzirom da nije bilo primjedbi, zapisnik sa 16. sjednice UO je jednoglasno usvojen.

##### **Tačka 3: Usvajanje Izvještaja o izvršenim zaključcima sa 16. sjednice UO UPFBiH**

Gdin. Bakšić je izvjestio prisutne o izvršenim zaključcima sa 16. sjednice UO UPFBiH ističući da su svi prisutni dobili Izvještaj u pisnoj formi.

**ZAKLJUČAK:** Izvještaj o izvršenim zaključcima je u potpunosti jednoglasno usvojen.

##### **Tačka 4. Informacijama o zaključcima sa prethodne sjednice ESV-a**

Gdin. Nihad Imamović je obzirom da gospodin Predrag Čović, predsjedavajući delegacije ESV-a nije prisutan na sjednici zamolio gđina Pandurevića da prisutne članove UO informiše vezano za ovu tačku dnevnog reda.

Gdin. Pandurević je istakao da je i dalje problem da određena zakonska rješenja prolaze bez usaglašavanja na ESV-u. Naveo je kao primjer Zakon o fiskalnim sistemima o kojem se nije raspravljalo na ESV-u i koji se ne primjenjuje bez obzira što je usvojen jer nisu doneseni provedbeni akti. S tim u vezi UPFBiH je predložilo resornom ministru u cilju poboljšanja provedbe navedenog zakona da se u radnu grupu za izradu provedbenih akata imenuju predstavnici UPFBiH. Nadalje, gđin. Pandurević je naveo da je insistirao da se razmatra novi tekst Općeg kolektivnog ugovora za teritoriju FBiH što je sindikat prihvatio i rezultat toga je da će se o OKU raspravljati na sjednici ESV-a. Također je istakao da Udruženje poslodavaca insistira na tome da se svi zakoni koji su od interesa za poslodavce i poslovno okruženje raspravljaju na ESV-u. Dalje je zamolio sve članove Upravnog odbora da se aktivno uključe po pitanju dostavljanja inicijativa i prijedloga za Zakone koji se nalaze na dnevnom redu ESV-a.

##### **Tačka 5. Rasprava o predloženim materijalima po svim tačkama dnevnog reda za 67-u sjednicu ESV-a sa prijedlogom zaključaka;**

- a) Izmjene i dopune Općeg kolektivnog ugovora za teritoriju FBiH;
- b) Prijedlog Zakona o izmjenama i dopunama Zakona o Poreznoj upravi FBiH;
- c) Zakon o fiskalnim sistemima;
- d) Nacrt Zakona o javno-privatnom partnerstvu.

Vezano za ovu tačku dnevnog reda gđin. Mladen Pandurević je istakao da je u prethodnom izlaganju spojio tačku 4. i 5. te da je izvjestio prisutne po pitanju materijala o kojima će se raspravljati na sjednici ESV-a.

Gđin. Nihad Imamović je istakao da je Premijer Mujezinović u potpunosti spreman na dijalog i saradnju te da je obećao da ni jedan zakon neće proći u proceduru bez da se o njemu raspravlja na ESV-u. Također je naglasio da se Premijer u potpunosti slaže sa inicijativom UPFBiH o izmjenama Općeg kolektivnog ugovora za teritoriju FBiH odnosno donošenje novog Općeg kolektivnog ugovora.

Vezano za novi tekst OKU gđja. Silvana Marić je naglasila da je na sjednici UO u privrednoj komori preloženo da se tekst dostavi privrednim komorama kako bi tekst distribuirale svim svojim članicama sa željom da se formira neko posebno tijelo u poslovnom sektoru koje podupire ovu inicijativu. Također je dodala da Vlada mora svoju ulogu u ESV-u shvatiti kao Vlada a ne poslodavac.

Gđin. Amir Jahijaefendić je istakao da ne treba dozvoliti sindikatima da kreiraju politiku poslodavcima, stoga je predložio da se poslodavci sastaju u tri mjeseca i da analiziraju probleme kao i inicijative koje su pokrenuli.

**ZAKLJUČAK: Zaključeno je da se vezano za izmjene i dopune Općeg kolektivnog ugovora koji je na dnevnom redu za sjednicu, zahtjeva da se u određenom razumnom roku socijalni partneri izjasne.**

**Tačka 6. Rasprava o inicijativi za poništenje važećeg Općeg kolektivnog ugovora za teritoriju FBiH;**  
Vezano za ovu tačku dnevnog reda Gđin. Imamović je predložio da se Inicijativa za poništenje važećeg Općeg kolektivnog ugovora iznese na sjednici ESV-a.

U diskusiji vezano za ovu tačku dnevnog reda učestvovali su svi prisutni i jednoglasno je prihvaćen prijedlog gđina. Imamovića.

**ZAKLJUČAK:** Zaključeno je da se pokrene Inicijativa za poništenje važećeg Općeg kolektivnog ugovora za teritoriju FBiH uz obrazloženje da važeći Ugovor je štetan za privredu i uništava privredne subjekte. Upravni odbor je ovlastio Predsjednika da obavi razgovor sa Premijerom Mujezinovićem i da zatraži podršku zahtjeva da za sjednicu ESV-a koja je zakazana za 03.03.2010. godine Premijer pripremi stav Vlade po pitanju poništenja i donošenja novog Općeg kolektivnog ugovora za teritoriju FBiH.

**Tačka 7. Informacija o sastanku predstavnika UPFBiH sa predstavnicima Agencije – SIGMA**

Vezano za ovu tačku dnevnog reda gđin. Bakšić je ukratko informisao prisutne o sastanku sa predstavnicima SIGME ističući da iz RS niko nije bio na tom sastanku te da je tema razgovora bila primjena Zakona o javnim nabavkama i o borbi protiv korupcije u Bosni i Hercegovini.

Također je napomenuo da su da su poslodavci iznijeli veliki broj primjedbi i primjera kršenja ovog Zakona, koje se uglavnom odnose na raspisane tendere u kojima se propisuju uslovi kroz koje se na najočigledniji način favorizuju kompanije sa kojima je već prethodno uspostavljen dogovor o njihovom angažovanju u poslovima koji su predmet tendera.

Zajednička je konstatacija da se kroz propisane uslove tendera eliminišu svi drugi potencijalni ponuđači i da u tenderskoj dokumentaciji samo nedostaju fotografije dobitnika tendera ili njihov memorandum.

Prisutni su iznijeli i veoma ozbiljne primjedbe na rad Ureda za žalbe, koji zbog nedovoljne određenosti u Propisima po kojima ovaj Ured radi, postupak odlučivanja po žalbama razvlače mjesecima i ne donose odluke zbog kojih trpe štete i oni koji su proglašeni pobjednicima na tenderu i firme koje su nepravilno rangirane, ali i naručioci poslova iz oblasti Javnih nabavki. Konstatovano je da je u oblasti javnih nabavki u najvećoj mjeri prisutna korupcija, ali ne samo u njoj.

Predstavnici „SIGME „ su postavili pitanje o tome na koji način se poslodavci bore protiv korupcije i da li organima policije i tužiteljstvu podnose žalbe ovim institucijama. Data im je informacija o podnesenim prijavama na primjeru usvajanja urbanističkog plana grada i informaciju o svim vrstama pritiska, šikaniranja i prijetnji i ucjena na one koji se odluče da se konačno usprotive pojavama korupcije i organiziranog kriminala.

Također je istakao da će SIGMA sve primjedbe predstavnika poslodavaca kroz svoj izvještaj prezentirati Evropskoj komisiji u Briselu.

**ZAKLJUČAK:** Obzirom da nije bilo pitanja informacija o sastanku i rezultatima sastanka predstavnika poslodavaca i SIGME je primljena na znanje.

**Tačka 8. Izvještaj sa sjednice Komisije za tumačenje Općeg kolektivnog ugovora vezano za upit Arcelor Mittala;**

Vezano za ovu tačku dnevnog reda gđin. Imamović je napomenuo da je na sjednici prisutna delegacija Arcelor Mittala te da UPFBiH daje podršku i zaštitu svim svojim članovima. Također je zamolio predstavnike Mittala da upoznaju prisutne sa problemima sa kojima se susreću.

Direktor Arcelor Mittala se zahvalio na podršci UO UPFBiH ističući da je rukovodstvo Arcelor Mittala veoma zabrinuto vezano za sprovođenje člana 12. Općeg kolektivnog ugovora FBiH i sudske Odluke koja može da izazove strašan udar kompaniji. Zamolio je predsjednika i sve članove UO da donesu Odluku i da se pokuša pronaći rješenje p pitanju spomenutog člana.

Gđin. Imamović je dao riječ gđici. Kurspahić i zamolio je da obavijesti prisutne o zaključcima Komisije po pitanju koji je uputio Arcelor Mittal.

Gđica. Kurspahić je obavijestila prisutne da je Komisiji upućen upit od strane Arcelor Mittala a odnosi se na pitanje primjene člana 12. Općeg kolektivnog ugovora za teritoriju FBiH kojim je regulisano da se zaposleniku poveća plaća prekovremeni, noćni rad na dane sedmičnog odmora i rad na dane praznike a povećanje se vrši na bruto satnicu u određenim procentima. Dalje, od Komisije je zatraženo da da matematički prikaz obračuna povećanja po osnovu plaća.

Vezano za ovo pitanje gđica. Kurspahić je istakla da je Komisija o ovom pitanju već ranije raspravljala i dala mišljenje o odredbama ovog ugovora tj. da se moraju primjenjivati dok se eventualno ne izvrše izmjene spornih članova. Nadalje, komisija ne može davati matematički prikaz obračuna povećanja plaće po osnovu dodataka utvrđenih u članu 12. OKU. Zauzet je stav da sve dok se izvrše eventualne izmjene člana 12. Ugovor se mora primjenjivati a Komisija nije nadležna da pokreće pitanje izmjene i dopune kolektivnog Ugovora. Komisija se složila da je član 12. potrebno mijenjati ali samo strane koje su ga donijele mogu pokrenuti njegove izmjene i dopune.

Drugo pitanje koje je dostavio Arcelor Mital odnosi se na primjenu članu 13. Općeg kolektivnog ugovora za teritorij FBiH a isti se odnosi na pitanje minulog rada. Pitanje je da li se zaposlenicima koji su ranije bili zaposlenici Željezare Zenice odnose BiH Stilla sadašnji poslodavac prilikom obračuna minulog rada treba da uzme u obzir i godine radnog staža kod tog poslodavca.

Vezano za ovo pitanje gđica. Kurspahić je obavijestila prisutne da je Komisija o ovom problemu raspravljala na sastanku 2006. godine. Tom prilikom je od Mital Stila zatražila statut registraciju sa suda.

Imajući u vidu da su članovi komisije imali različite Stavove u pogledu ovog pitanja o stavu komisije su upoznati socijalni partneri u ESV-u.

Nakon diskusija koje su se vodile na 34. sjednici ESV-a održanoj 19.12.2006. godine zaključeno je da se ESV ne može staviti u ulogu presuditelja uz zaključke da je jedino Sud nadležan da u sudskom postupku utvrdi da li zaposlenici Mittal Stella imaju pravo na povećanje plaće po osnovu minulog rada za godine provedenog staža ostvarene u Željezari Zenica.

Komisija je zaključila da ista nije nadležna da presuđuje u ovoj pravnoj situaciji, uz konstataciju da je jedino sud mjerodavan da u sudskom postupku utvrdi da li se radi o pravnom sljedniku ili ne.

Gdin. Čolaković je dao primjedbu na tumačenje Komisije vezano za minuli rad ističući da je Komisija trebala da da tumačenje u smislu da piše i da se misli kod prethodnog poslodavca a ne kod poslodavaca. Također je napomenuo da postoji dvije različite sudske presude o istoj stvari.

Gdin. Pandurević je istakao vezano za sudske presude istakao da postoji Vrhovi sud koji rješava ovo pitanje odnosno ujednačava pravnu praksu. Vezano za pitanje ocjene ustavnosti Općeg kolektivnog ugovora koje je pokrenuo Arcelor Mitall gdn. Pandurević je predložio da bez obzira što je upitna ocjena ustavnosti Ugovora da se podrži ova inicijativa te da se treba obratiti Premijeru Mujezinoviću kao jednom od ovlaštenih predlagača za ocjenu ustavnosti.

Gđa. Azema Mulasmajić je upoznala prisutne da postoji stav Ministrastva finansija u kojem stoji da je sa stupanjem na snagu novog Zakona o porezu na dohodak i Zakona o izmjenama i dopuna Zakona o porezu na doprinosima od 01.01.2009. godine, bruto satnica definisana u Općem kolektivnom ugovoru je neprimjenljiva jer je nezakonita. Također je istakla da ne razumije zašto Komisija za tumačenje Općeg kolektivnog ugovora i ESV-e nisu mogli dati mišljenja u tom pravcu.

**ZAKLJUČAK:** Vezano za ovu tačku dnevnog reda zaključeno je da Udruženje poslodavaca da podršku i da hitno uputi dopis sa kojim je gdn. Imamović upoznao prisutne u kojem se od Premijera Mujezinovića traži da podrži inicijativu i da hitno poduzme aktivnosti u skladu sa svojim ovlaštenjima po pitanju ocjene ustavnosti Općeg kolektivnog ugovora.

### **Tačka 9. Tekuća pitanja**

Pod trekućim pitanjima raspravljalo se:

#### **1) Informacija o seminaru „ Efekti reforme energetskog sektora na kupce električne energije“**

Vezano za ovo pitanje gdn. Imamović je obavijestio prisutne da Asocijacija poslodavaca BiH u saradnji sa USAID-om organizuje seminar o upoznavanju svih kupaca el. energije sa reformama energetskog sektora i sa povoljnostima koje mogu imati poslodavci odnosno potrošači. To je predviđeno za petak u 10 sati. Gdin. Imamović je pozvao sve prisutne da prisustvuju ovom seminaru.

#### **2) Informacija o dogovorenom sastanku sa Premijerom Mustafom Mujezinovićem, resornim ministrima i predstavnicima UPFBiH, izvjestilac Nihad Imamović**

Vezano za ovo pitanje gdn. Imamović je informisao prisutne da je za 6. mart 2010. godine dogovoren sastanak privrednika sa Vladom FBiH na čelu sa Premijerom Mustafom Mujezinovićem u zgradi ASA-Holdinga. Na tom sastanku predviđeno je da bude prisutno oko 70 privrednika i predstavnika Vlada. Također je zamolio sve prisutne da dostave svoje prijedloge a onda će radna grupa pripremiti ta pitanja, koja će se iznijeti na jedan korektan način i te ako postoji mogućnost da se daju prijedlozi mjera. Također je napomenuo da bi trebali razmisliti koji zakoni su od interesa poslodavaca i koje zakone treba mijenjati te da se predlože izmjene. Zamolio je također da se do 04.03. 2010. godine dostave prijedlozi i da se

definišu 4-5 pitanja kojim bi delegirali problematiku. Gdin. Nihad Imamović je zamolio još jednom sve da uključe iz svojih firmi pravnike koji će kvalitetno pripremiti prijedloge.

Gospodin Bakšić je nakon završetka sjednice zamolio sve prisustne da ukoliko nemaju obaveza prisustvuju sastanku predstavnika Federalne inspeksijske uprave koji je zakazan za 14:00.

Zapisnik sačinila:  
Mersiha Kurspahić

Predsjednik UO UPFBiH  
Nihad Imamović, s.r.